

Berhasrat dalam bidang perundangan Islam

Berita dan Foto :
Marlinawaty Hussin

BERAKAS, Khamis, 29 Ogos. - Universiti Islam Sultan Sharif Ali (UNISSA) melahirkan lebih 1,000 graduan sejak Hafl Al-Takharruj Pertama pada tahun 2011.

Dengan penerimaan ijazah bagi setiap graduan, mereka diharap akan terus menyumbang jasa bakti dalam alam pekerjaan dengan membawa nilai-nilai yang diterapkan, iaitu Taqwa, Berkepimpinan, Cemerlang, Integriti dan Berwawasan.

Ini adalah selaras dengan misi UNISSA bagi melahirkan pemimpin bertaqwa dan berwibawa yang menyumbang kepada pembangunan umum melalui kecemerlangan akademik, penyelidikan dan khidmat masyarakat.

Salah seorang graduan Sarjana dalam bidang Syariah, Dayang Hajah Nur Anati Aqilah Binti Haji Othman ketika ditemui pada Majlis Hafl Al-Takharruj Ke-9 UNISSA di Pusat Persidangan

Antarabangsa, di sini, berkata, ilmu yang diperolehnya dari universiti berkenaan akan beliau gunakan sebaiknya untuk mendidik anak bangsa agar mereka menjadi insan berguna kelak.

"InsyaAllah, jika dipermudahkan saya berharap dapat melanjutkan lagi pengajian ke peringkat Doktor Falsafah bagi memperkembangkan pengetahuan saya," kata tenaga pengajar di salah sebuah sekolah Arab itu.

Sementara itu, Awang Abdul Yamin bin Abdul Kadir, graduan Diploma Lepasam Ijazah dalam Perundangan Islam dan Guaman Syarie melahirkan harapan untuk meneruskan lagi pengajian dalam bidang berkaitan dalam bidang undang-undang syariah.

Menurutnya, Negara Brunei Darussalam telah pun mula menguatkuasakan Kanun Hukuman Jenayah Syariah dan mendalami bidang berkenaan adalah merupakan satu kelebihan.



GRADUAN Sarjana dalam bidang Syariah, Dayang Hajah Nur Anati Aqilah binti Haji Othman.



GRADUAN Diploma Lepasam Ijazah dalam Perundangan Islam dan Guaman Syarie, Awang Abdul Yamin bin Abdul Kadir.



GRADUAN Fakulti Ekonomi dan Kewangan Islam, Dayang Suziyaney binti Md. Zin.

Dayang Suziyaney binti Md. Zin, salah seorang Graduan Fakulti Ekonomi dan Kewangan Islam pula berkata, beliau memilih jurusan tersebut bagi menyalut titah Kebawah Duli Yang Maha

Mulia Paduka Seri Baginda Sultan dan Yang Di-Pertuan Negara Brunei Darussalam yang ingin melihat lebih ramai pihak menceburi bidang keusahawanan. "Bidang yang saya pelajari ini

mempunyai kaitan dengan keusahawanan. Oleh itu, saya berharap akan dapat memimba pengalaman dalam perniagaan sebagai salah satu kerjaya suatu hari nanti," katanya.

Menjunjung kasih atas pengurniaan Bintang



AWANG Haji Rusali bin Awang Haji Sapar.



DAYANG Suize binti Orang Kaya Pekerma Dewa Dato Seri Laila Jasa Awang Lukan.



AWANG Haji Shahnon bin Awang Haji Ahmad.



AWANG Haji Sufri bin Haji Tengah.

Oleh : Rohani Haji Abdul Hamid
Foto : Mohamad Azmi Awang Damit

BANDAR SERI BEGAWAN, Rabu, 28 Ogos. - Para penerima Bintang - Bintang Kebesaran Negara Brunei Darussalam menjunjung kasih ke hadapan majlis Kebawah Duli Yang Maha Mulia Paduka Seri Baginda Sultan Haji Hassanal Bolkiah Mu'izzaddin Waddaulah, Sultan dan Yang Di-Pertuan Negara Brunei Darussalam di atas pengurniaan Bintang-Bintang Kebesaran tersebut pada majlis yang berlangsung di Istana Nurul Iman, di sini.

Pegawai Pertanian, Kementerian Sumber-Sumber Utama dan Pelancongan, Awang Haji Rusali

bin Awang Haji Sapar ketika ditemui oleh Pelita Brunei berkata, beliau berasa sangat gembira dan melahirkan rasa syukur dan menjunjung kasih ke hadapan majlis Kebawah DYMM Paduka Seri Baginda Sultan dan Yang Di-Pertuan Negara Brunei Darussalam atas Bintang Darjah Seri Paduka Mahkota Brunei Yang Amat Mulia Darjah Ketiga (S.M.B).

"Ini adalah merupakan anugerah begitu bermakna yang saya terima, yang mana sebelum ini saya telah dianugerahkan Pingat Indah Kerja Baik (P.I.K.B), Pingat Kerja Lama (P.K.L)," ujarnya.

Manakala penerima pingat Darjah Setia Negara Brunei Yang Amat Bahagia Darjah Keempat (P.S.B), iaitu Dayang Suize binti Orang Kaya Pekerma Dewa Dato Seri Laila Jasa Awang Lukan telah berkhidmat selama 20 tahun di Jabatan Kastam Diraja Brunei.

Mereka bersyukur ke hadirat Allah Subhanahu Wata'ala dan menjunjung kasih setinggi-tingginya ke hadapan majlis Kebawah DYMM kerana telah memperkenankan Pengurniaan Bintang P.S.B.

"Pengurniaan tersebut adalah pendorong bagi meningkatkan mutu kerja, terutama sekali di dalam mentadbir urusan yang berkaitan dengan pekerjaan dan semestinya akan membuahkan hasil yang memuaskan," jelasnya. Sementara itu, Guru Sekolah

Agama Arab Menengah Perempuan Raja Isteri Pengiran Anak Hajah Saleha, Awang Haji Shahnon bin Awang Haji Ahmad menyatakan rasa syukur ke hadirat Allah Subhanahu Wata'ala dan menjunjung kasih ke hadapan majlis Kebawah DYMM kerana diberikan penghormatan tersebut.

Sebelum ini beliau juga telah dianugerahkan P.I.K.B dan P.K.L. Dengan pengurniaan Darjah Seri Ugama Islam Negara Brunei Yang Amat Bersinar Darjah Kelima (P.U.B) ini, jelasnya merupakan satu pengiktirafan amat berharga bagi beliau sepanjang berkhidmat dengan kerajaan, yang mana sekali gus akan menam bahkan lagi semangat beliau untuk berusaha dengan lebih gigih serta berazam untuk mempertingkatkan lagi

produktiviti, kredibiliti, kreativiti, iltizam dan disiplin walaupun beliau kurang upaya.

"Tiada alasan untuk kita tidak menjalankan tugas dengan baik apatah lagi jika kita dalam keadaan sihat. Tanggungjawab itu penting dan apa yang saya peroleh hari ini diharap akan dapat menjadi penyuntik semangat agar melaksanakan tugas dengan baik tidak kira sama ada di sektor kerajaan atau swasta kerana setiap pekerjaan yang baik itu pasti akan dilihat keberhasilannya," ujarnya.

Melalui pengurniaan ini, beliau juga menyanankan kepada para pelapis pegawai kerajaan untuk sentiasa bekerja dan berusaha dengan gigih, rajin, komited dalam melaksanakan tugas dan tanggungjawab mereka dengan penuh disiplin, jujur, amanah dan ikhlas serta memiliki ketahanan daya mental dan fizikal yang kuat dalam melakukan sebarang tugas yang diarahkan tanpa mengira masa atau waktu yang ditetapkan.

Bagi Awang Haji Sufri bin Haji Tengah penerima Darjah Seri Ugama Islam Negara Brunei Yang Amat Bersinar Darjah Keempat (S.U.B) menyatakan kepada pegawai dan kakitangan kerajaan agar berkhidmat dengan cemerlang, jujur dan amanah semasa melakukan tugas serta sabar dalam menghadapi cabaran.

"Sudah setentunya saya berasa gembira dan bersyukur ke hadirat ilahi kerana ini merupakan satu penghargaan selama saya berkhidmat bersama Kerajaan Kebawah DYMM selama lebih 20 tahun," katanya.